



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Ph. Illvstri Regi Francorum.


urn:nbn:de:hbz:466:1-20006

362 Epistolarum Innocentij III.

Cameraco Abbatum signato perspeximus contineri. Nos etiam, si bene recolimus, rescriptum conventionum ipsarum nobis ex parte regia præsentatum inspeximus diligenter, & eas, sicut prædecessor noster confirmaverat, auctoritate duximus apostolica confirmandas, tibi per scripta nostra mandantes ut ipsum Comitem ad observationem earum per excommunicationem personæ, & interdictum terræ, compellere non tardares. Cumque tu postmodum juxta mandatum nostrum velles ipsum Comitem excommunicare, & terram ipsius interdicto supponere, ipse per nuncios suos afferens literas illas per suppressionem veritatis obtentas, quia in eis absolutionis factæ mentio non siebat, ab interlocutione tua nostram audientiam appellavit. Cum ergo rescriptum per suppressionem veritatis vel expressionem falsitatis obtentum vigorem habere non debeat firmitatis, fraternitati tuæ per apostolica scripta mandamus quatenus si præmissis veritas suffragatur, infra vinti dies post susceptionem præsentium ipsum Comitem ab excommunicatione ac terram ejus ab interdicto sublatu applicationis obstaculo absolvere non postponas; cariss. in Christo filio nostro Ph. illustri Francorum Regi ex parte nostra significans, ne id molestum accipiat, cum ex injuncto nobis servitutis officio sine personarum acceptance nulli debeamus justitiae debitum denegare. Alioquin noveris nos venerabilibus fratribus nostris Ambianen. & Tornacen. Episcopis, & dilecto filio Aquicinctin. Abbatii, literis nostris districtiis injunxisse, ut cum eis legitimè constiterit de præmissis, ipsum Comitem ab excommunicatione & terram ejus ab interdicto nullius contradictione vel appellatione obstante denuntient penitus absolutos. Datum Laterani VI. Kal. Maij.

Epist. 41.

Scriptum est super hoc Ambianen. & Tornacen. Episcopis, & Aquicinctin. Abbatii, ferè in eundem modum ut supra usque ad verbum absolutos. Nullis literis, harum mentione non habita &c. Quod si ambo &c. tu, frater Ambianensis, cum eorum altero &c.



*P.H. ILLVSTRI REGI
Francorum.*

Cum ex injuncto nobis &c. ferè in eundem modum ut supra usque ad verbum absolutos. Rogamus igitur magnificantiam regiam & exhortamur in Domino quatenus te non moveant aliquatenus vel perturbent quæ secundum Deum & justitiam super ipso duximus negotio statuenda: quia licet te, tanquam carissimum nostrum & speciale Ecclesiæ filium & Christianissimum principem amplexemur arctius in visceribus caritatis, & tuis, quantum cum Domino possumus, velimus intendere profectibus & augmentis, in nostri tam executione officijs apparere nolumus concedente Domino negligentes, cum illius vicem in terris gerere dignoscamus qui judicat populos in æquitate, & cuique vult suam justitiam conservari. Datum ut supra.

V.V. REMENSANTÆ SABINÆ
*Cardinali & Senonen. Archiepiscopis,
Antifodoren. & Nivernen. Episcopis.*

Significante nobis dilecto filio nobilis viro B. Flandren. Comite ad nostram noveritis audientiam pervenisse quod cum inter patrem ipsius Comitis & dilectum filium nobilem virum Comitem Nivernen. super matrimonii contrahendis taliter fuerit interposito jamento statutum, quod ipse pater Comitis filiam suam I. nomine eidem Comiti Nivernen. traderet in uxorem, & ipse filiam suam, cum ad annos nubiles perveniret, Philippo prefati Comitis Flandriæ fratri, vel Henrico fratri ejus, si forte præmoreretur Philippus, matrimonialiter copularet, & ad complementum ipsius contractus cariss. in Christo filius noster illustris Rex Franciæ ex condicione unanimi deberet utrumque compellere, necnon vos illum per excommunicationem personæ & interdictum terræ cogeretis qui à pacto matrimonij resiliret, sicut in literis ejusdem Regis & vestris, fratres Episcopi, dicitur manifestius contineri; idem Nivernen. Comes quod tam solenniter factum est adimplere neglit & recusat, licet ei sit ab altera parte super contractu matrimonij plenariè satisfactum. Cum igitur, tanquam vir nobilis & discretus, illæsam debeat famam sui nominis conservare,

Epist. 42.
Super codem.

Epist. 41.
Quod cogit
Comitem Flan-
drie ad obser-
vationem puni-
menti peccati.